

տաղտոտական արդիւնք ենք սպասում Ատրպետեանի գրչից, բալց նորանից չենք կարող սպասել նուրբ

բանաստեղծական աշխատութիւններ

Ա. Թ.

ՄԿԻՏՏԵԱՆ, 1, ևոն: «Ամուսնական խնդիրներ», մասն ա. Մոռք և զաւակունքն: Ութածալ, 14 էջ.—Պոլիս, տպ. 189 թ.:

Ամուսնութեան խնդիրը կեանքի ամենակարևոր խնդիրներից մէկն է: Քանի տարօք պիտի ամուսնանալ երիտասարդը կամ օրիորդը, ինչպէս պէտք է ընտրութիւն անել, ինչ ամուսնական և բարոյական նախապատրաստութիւն է հարկաւոր ամուսնութիւնից առաջ և ալն և ալն: Նոր կազմող ընտանիքի և սպասող մանրիկները վիճակը կախած է ան հանգամանքից, թէ ամուսնացողները որքան գիտակցաբար են մտնում նոր ասպարիղի մէջ, որքան խելացիութեամբ են դնում ընտանիքի հիմքը: Ընտանեկան կեանքի որպիսութենիցն է կախած ամբողջ հասարակութեան վիճակը: Նիկէ մի հասարակութիւն, մի ազգ, մի երկիր նախանձելի վիճակ ունի, պատճառը պէտք է որոնել նորա ընտանիքների խելացի հիմնադրութեան մէջ: Նիկէ ազգը որ և է ժամանակամիջոցում իւր դրութիւնը վատթարացնում է, սորա ամենապիտանոր պատճառներից մէկը պէտք է որոնել ընտանիքների անամութեամբ հիմնելու և շարունակելու մէջ: Իսկ եթէ մի ազգը ընտանեկան կեանքը խելացի հիմունքների վերալ է դրած, պէտք է

լուսալ որ նա ոչ միայն չի կորչի, այլ և կը կարողանալ նշանաւոր քալեր անել, եթէ ի հարկէ չեն. թարկէ որ և է պատմական—անսովոր ձախորդութիւնների: Բալց նոն իսկ ձախորդութիւնների դէպքում ան ազգը անհամեմատ աւելի շաներ ունի լաղթող հանդիսանալու, որը լաւ է ըմբռնում ընտանիքի խելացի հիմնադրութեան նշանակութիւնը:

Ահա թէ ինչու ամուսնական խնդիրները իւրաքանչիւր փոքր ի շատէ ինքնաճանաչութիւն ունեցող ազգի մէջ ամենաեական խնդիրների շարքումն են դասուում: Ոչ մի եւրոպական գրականութիւն զուրկ չէ ամուսնական խնդիրներին վերաբերող բազմաթիւ և բազմատեսակ աշխատութիւններից: Բալց մեր գրականութիւնը տակաւին համարեա ոչինչ չունէ վիշեալ ճիւղին վերաբերեալ, թերեւ միայն Սեդրակեանի «Ամուսնական խնդիրներ» գիրքը, որը քննում է խնդիրը եկեղեցական—իւրաւարանական տեսակետից: Ուտի մենք ուրախութեամբ ողջունում ենք Մկրտչեանի «Ամուսնական խնդիրներ» վերնագրով գրքովը, որը որքան էլ աննշան լինի իւր

բովանդակութեամբ, արեւումնալեւելիս ուրախալի երեւոթ է, որպէս գտնելի ձգտումներն և թարմ դատողութեան պտուղը:

Հեղինակը շօշափում է միայն արեւ խնդիրը, թէ արդեօք որքան իրաւացի են վարւում ծնողները խառնւելով որդիների ամուսնական ընտրութեան մէջ: Ծնողները ի հարկէ որդու բարին կամենալով, աշխատում են որ նա ամուսնանալ արեւիսի աղջկա հետ, որը նախաւորքով իրանից ջանիլ է, բացի արդ՝ գեղեցիկ է, աղքատ չէ, բարոյապէս մաքուր է և արեւ: Հեղինակը կարծառուտ բացատրութիւններով ցոյց է տալիս, որ ծնողները իզուր են պնդում վիշապ պահանջների վերաջ, որովհետեւ նախ՝ տարիքի տակ կամ պակաս լինելը մեծ անբաղդութիւն չէ, երկրորդ՝ ծնողների աշխիւ տղեղ երեւացող աղջիկը կարող է երիտասարդին սիրում երևալ, երրորդ՝ աղքատութիւնը արատ չէ և արեւ: Միւս կողմից հեղինակը քանի մի դէպքեր է պատմում, որոնք ցոյց են տալիս, թէ շատ անգամ որդիները անբաղդանում, նոյն իսկ զոհւում են, ինքնասպանութիւն են գործում, եթէ ծնողները չեն համաձայնում նոցա թուլատրել ամուսնանալ «սրտի սիրածին» հետ:

Աստարեւապէս ուղիղ են հեղինակի բացատրութիւնները և առհասարակ համակրելի է նորա պահանջը, թէ ծնողները չը պէտք է լամառութեամբ ընդդիմանան երիտասարդի կամքին և պիտի չ'աշխատեն ստիպմամբ փոխել երիտասարդի արած ընտրութիւնը: Մենք միայն կ'աւելացնէինք, թէ երբեմն երիտասարդի ընտրութիւնը կարող է

անբան շտապովի և անխոհմտութեամբ կատարւած լինել, որ ծնողները չեն կարող մէջ չը խառնել, եթէ չեն ցանկանում հարազատ որդու ապագայ անբաղդութիւնը: Մենք համաձայն ենք, որ ծնողները պիտի չը ստիպեն, չը լամառեն, չը բռնանան երիտասարդի կամքի վերաջ, չը կաշկանդեն նորա զգացմունքը և միտքը, բայց որ նոքա բոլորովին չը հետաքրքրեն հարազատ որդու ամուսնական ընտրութեան հարցով, արդ՝ հազիւ թէ կարելի է պահանջել:

Եւ մի ուրիշ նկատողութիւն: Հեղինակը իւր գրքովով պիտի ոչ միայն ծնողներին լորդորէր, այլ և միւս կողմից երիտասարդներին բացատրէր, թէ սոքա խելացի և խոհեմ ընտրութիւն անելուց լստող բնաւ պարտաւոր չեն ծնողների կամ ազգականների կամքին չափից դուրս նշանակութիւն տալ: Դուք հասունացած և ինքնուրոյն սղամարդ էք և սիրում էք անկեղծ և գիտակցաբար. ուրեմն էլ թնչ առանձին կարիք ունէք ձեր ծնողների, հօրեղբայրների և մօրաքորերի համաձայնութեան մէջ: Գնալ ջուրը ընկնել, ինչ է թէ սիրուին զանազան քեռիների և մեռիների քմքին համեմատ չէ, վերին աստիճանի անմտութիւն է: Ազգպիտի քալ անելու համար անհրաժեշտ է ապուշ լինել, իսկ զարգացած և ինքնաճանաչ երիտասարդը ալս դէպքում անուշաղիւր կը թողնէ թէ ազգականներին և թէ նոցանից սպասւած ժառանգութիւնը և սեփական աշխատանքի վերաջ վստահանալով իւր կեանքը կը սկսէ «սրտի ընտրածին» հետ:

Ս. Թ.